



石遺室詩話續編卷八

(續前號)
(不許轉載)

侯官陳衍



(前號詩話係卷七之續手民誤作卷八附正於此)

30529

吾鄉小西湖。有宛在堂。在水中。中央小孤山。開化寺之旁。明高濂傳汝舟。創以祀明。以來詩人林子羽諸先生者。也。堂三楹。堂前老藤一架。百餘年物。廣庭雜蒔花木。若芭蕉紫薇之類。繚以低粉牆。牆以花磚。疊成方空。可望湖光。自明至清。同光間。屢有興廢。所祀詩人。屢有附益。則爲林子羽。王孟揚。傅木虛。高宗呂。鄭善夫。謝雙湖。謝在杭。陳叔度。趙十五。葉臺山。曹石倉。徐幔亭。徐興公。黃莘田。楊雪椒。林范亭。劉芑川。十七先生。歲以寒食重陽。具酒饌祭焉。光緒閒。堂久不修。漸以傾塌。又疊遭大水。遂圯。余偶歸里。過之。惟見臨桂朱桓所書匾額。尙度開化寺。客堂中。黃莘田先生所書葉文忠詩句楹聯。桑柘幾家。湖上社芙蓉。十里水邊城者。已不復見。藤花亦委。

地枯盡矣。癸丑里居數月。與何梅生王又點龔惕庵諸人爲觴詠之集。一日集林雪舟寒碧樓下。謀修復之。卽以命題賦詩。余成長句云。西江詩派東林社。北郭南園競風雅。明人論詩喜斷代。高傳瓣香傍蘭若。一龕宛在水中央。林月湖風足瀟灑。詩亡雅廢無人問。一木不支聽傾廈。休文在官尙好事。聞道千金粵裝捨。出山松雪去堂堂。誰監聖壁煉泥者。春秋佳日念林亭。寒碧樓前酒共把。四賢重修談近事。梧門詩龕歎敗瓦。何當突兀見此屋。寒食重陽奠杯罍。彥翀疏募可閒緣。草創裨謀試謀野。此堂創於明人。而祧去唐五代。宋元詩人者。宋元人明所屏棄。唐時閩首郡。未有名大家。而堂中又止祀首郡詩人也。捨韻謂沈愛蒼宦粵。聞堂圯。捐貲千金。

30530

者韻謂西湖烏石山勝處。多由陳弢庵監督修理。惜今已出山。宜昌四賢堂。愛蒼曾捐貲重修。京都法梧門詩龕。則故址無覓處矣。是歲冬月。余復至都。愛蒼亦在。因商諸弢庵。撥款興工。由林惠亭料理。適惠亭主水利局。濬湖修堤。重建澄瀾閣。此堂於次年落成。乃增祀林茂之。許甌香。鄭石幢。鄭荔鄉。薩檀河。謝甸男。陳恭甫。林少穆。林歐齋。謝枚如。龔靄仁。陳木庵。葉損軒。林嗽谷。十四人。進主時。愛蒼歸里。復增張亨甫一人。凡三十二先生矣。張非首郡人。愛蒼主。張蓋破例也。

宛在堂所祀諸人。惟林范亭絕不以詩稱。人頗疑之。讀愛蒼述憶一詩。方知其梗概。有序云。吾鄉林范亭先生。名廷禧。閩縣人。九歲有神童之目。應童子試。童子不衣裘裳。賦援筆立就。起語有十年曰幼五尺稱童句。一時傳誦。遂冠其軍。弱冠成進士。觀政郎署。京察一等。簡放雲南迤西道。值回變。衣冠坐堂上。賊以矛陷之。立殞。一妾殉焉。瑜慶聞先公言。先生性坦易。神情瀟灑。當時賢

士大夫。樂與之遊。善飲能詩。而不以詩名。下直過從。恆抑鬱若無可告語。失後母歡。門庭之內。扞格勃谿。有未可以常理測者。先生終未忍以語人。丙辰以後。宦轍杳不相聞。林歐齋方伯言。其正命時。京師未得耗。中夜輪直樞廷入城。見有迤西道燈前引雲車風馬。馳掣而沒。逾月而警報至。大吏避嚴譴。以蔽詞蔽先生。後經昭雪。廢恤如例。先生無嗣。太翁狼狽歸。有弟不才。槁餓以死。己卯先公由金陵寓書林勿邨中丞。請擇其族人嗣之。以千金置祭田。並將木主配食西湖宛在堂。蓋開化寺旁舍。鄉人以祀閩中詩人林子羽以下十五人者。先生丁家國之變。既不獲歸骨。詩亦散逸無存。悲夫。先公爲謀血食。藉慰忠魂。九原可以不憾。瑜慶得聞其略。今又二十年矣。恐久而失傳。並沒先人風誼緣起也。長句紀之云。一燈相對話疇昔。往事前言忍棄擲。談史傳書執手悲。蓑弘化血傷心碧。神芝突出信無根。出言長老驚辟易。弱冠登朝衆所傾。獨居深念愁難懌。斜街花好時

過從（先公京寓上斜街）作達微言隱相釋。一朝持節
濱海西。就道從知心。匪石雜耕未安反。側子倉卒彎弓
反。相射。丈夫守官妾死夫。官閣殘骸憐枕藉。家國之窮
恨有餘。忠孝粗完心未適。名流剪紙爲招魂。萬里天闈
來咫尺。江南垂老念神交。爲買墓田展宗祏。家室漂搖
事可知。湖山香火分茲席。春渚蘭泉例好事。樊榭山谷
合相惜。前輩風流事可師。我爲傳志勤拾摭。當時辟咤
未致詳。述德感懷傷永夕。

30531
堂中增祀諸人林茂之（古度）福清人。詩本刻意六朝
與鍾譚善。乃孺染楚派。後竟陵風力衰微。流寓金陵。往
來揚州。王阮亭極與周旋。所有舊作。經鍾伯敬譚友夏
丹黃者。阮亭爲刪削殆盡。只存風華近六朝之作。與曹
能始。吳非熊唱和者。許甌香（友）侯官人。錢牧齋有吾
炙集。一時名流皆止選一二首。惟甌香選至十九首。石
幢名方城。荔鄉（方坤）兄。兄弟有却掃齋倡和集。荔鄉
所著有五代詩話補。全閩詩話。國朝詩鈔小傳。警句如

金山如麗人。明璫炫華屋。焦山如靜女。翠袖倚修竹。余
每過京江。輒喜誦之。

謝甸男震侯官人。與陳恭甫編修友善。著有禮案二卷。
四書小箋一卷。櫻桃軒詩二卷。今錄數首於下。春日城
南訪陳三陳六兄弟云。青蚨一百書。一編青蚨索。醉書
索眠行。逢佳處。便開讀。城南十里花。含煙鳴鳩斷。續喚
殘雨。故人遲我舒吟肩。入門一笑春釀熟。暝色已逗羣
峯巔。兒童愛客秉燈燭。婦媪絮語羅蔬鮮。苦辭酒薄不
足飲。前村社火人聲。叩燈光。爆影射屋角。柘枝瓦鼓闌
軒前。十觴累舉未覺醉。但喜氣象招豐年。須臾鐘動雞
臚臚枕上更約桃花川。（川在高蓋山麓。陳氏之先種
桃讀書其地。因名焉。）得恭甫杭州書云。熟腸信有陳
恭甫。癡絕無如謝甸男。爲報花時歸陌上。已看梅雨落
江南。曲中楊柳愁頻折。夢裏空侯字久滄。結習未空從
努力。欲將宗悫問瞿曇。寒食登高會閣云。一百五日花
亂飛。繁條下。矚紅已稀。誰家澆飯哭。青豕有客登樓愁。

翠微薄暮東風吹雨急。遠村流水送春歸。登臨無限傷
 遲暮。北望長吟淚滿衣。句如落花云何曾中酒。瞿騰立
 似有離魂。婉婉依舟橫野渡。霞將暮。客上離亭酒半醺。
 北行雜詩云。荒祠鬼馬斷頭立。叢塚羣鳥相命譁。自題
 云。桐經半死仍孤賞。蟲號相思亦可憐。詩多近哀感一
 路。陳恭甫編修所撰傳有云。乾隆末自四川歸。過漢中。
 謂人曰。終南亘七百餘里。連跨數郡。秦蜀門戶也。守險
 安可。忽且鄖庸以西。夔巫以東。巴閬之北。武都之南。大
 山老林。螳蟻其間。今將吏狃承平而弛控馭。不數稔。難
 其作乎。及嘉慶初。邪起襄陽。蔓延秦蜀。果以南山爲巢
 窟。朝廷於是卽山內置大帥。宿重兵。震言皆卒。驗初震
 銳意功名。抑塞奔走。英華寢衰。則閒挾其晤時嫉俗之
 孤憤。寓之於文章。儀曹懷寧汪德鉞雅士也。與震友善。
 見其文。嘆曰。旬男其古之傷心人乎。方震壯時。踔厲激
 蕩。志氣若不可一世。然每風雨淒晦。烟月靚深。徘徊景
 光。歛歛不自已。不知哀樂之何從也。

陳恭甫先生有劉奐爲鄉貢。招同人泛舟西湖。飲宛在
 堂。懷古二首云。昨宵涼雨灑簾櫳。勸我湖西一櫂風。秋
 水初添盈尺綠。野花爭放幾枝紅。菱舟打槳歸村女。蓼
 岸沈罾坐釣翁。眺盡稻畦飛白鷺。古來誰繼芑陂功。
 湖自潘敏惠濬後。迨福文襄重治。計四十年。今又適符
 其歲。湮淤者多。孫宮保倡議復之。殆有天也。其二云。
 湖社詩人舊接肩。新祠脩竹面淪漣。青山有例歸高士。
 黃土無由訪故阡。(周櫟園所立陳趙二詩人墓。故址
 竟不可訪。)文獻百年煩月旦。(宛在堂祀明林子羽。
 王孟敷。鄭少谷。高宗呂。傅木虛。葉文忠。曹節愍。徐幔亭。
 興公。謝在杭。十子。乾隆初。黃莘田所立也。堂久圯。道光
 四年。劉君重建之。益以謝雙湖。陳叔度。趙十五。及莘田。
 凡十四人。皆取其蹤跡。習於湖者。然文忠相業光顯。不
 必與詞人爭一席也。)蒹葭一水自風烟。花亭草閣多
 零落。把盞斜陽獨愀然。二詩稍有故事。前首寫湖上景
 物極肖。如秋水不過盈尺。野花不過幾枝。菱舟村女。沈

疊釣翁稻畦中頗多白鷺可以點綴詩篇者如是而已。次首自注謂葉臺山不必與詞人爭一席余不謂然事業自是一事文章又自一事不相掩也。陳叔度（鴻）傳作止一山在水次終日有泉聲十字便占一席臺山頗能詩即如桑柘幾家一聯極肖湖景何妨亦分一席。故此次重修此堂增祀十數人除歐齋枚如霽仁木庵爲四人門生故舊所推舉外其茂之甌香石幢荔鄉檀河甸男恭甫少穆退庵損軒嗽谷皆余與菴所定議亦有謂少穆先生已附祀李忠定祠無需及此者余以爲古來詩人如歐陽文忠蘇文忠何嘗以事業掩其文章哉。湖中舊只有一畫船屬宛在堂記船上有一版聯云新漲拍橋搖櫓過雜花生樹倚牕看係少穆先生寫作湖景宛然在目十一人中惟退菴（梁苴隣先生章鉅）後未入祀。

左海集中與退菴倡和詩最多間有本事可傳者如題苴林藩伯燈窗梧竹圖題下有注云嘉慶丙子蘇齋與

苴林蘭卿論詩落句有多少窗燈梧竹響欲憑舊雨爲傳神之句。苴林蘭卿因先後繪此圖詩云詩老門庭晚最親蘇齋得士契無隣妙齡李嶠呼才子高詠梁鴻邁古人意味應從皮骨別興觀直取性情真疎簾梧竹窗燈夕彈指流光一愴神（蘇齋歸道山距繪圖時已十七年）又黃樓詩和梁芷林藩伯云黃巷門庭憶德溫黃樓新構面梅軒但教地踵蘭成宅何事名爭謝傳墩白社人開九老會（公辭官適符白香山歸洛之年朋舊過從無虛月亦與香山同）綠楊春接兩家園（余宅與藩伯隔垣前後亦有兩小樓）買隣百萬因君重付與雲仍細討論黃巷爲唐黃璞故居璞字德溫他如梁苴林藩伯新葺滄浪亭徵詩却寄首云姑蘇有蘇亭得名七百載巒壑更廢興煙霞亦色改又云小志續商丘紀年在丁亥東吳佳麗地臺榭紛磊磊况隣輿騎場傳舍逼凡猥熙熙城市閒疇暇歌欵乃又云勳業齊靈巖豈惟此亭嵬藤花吟館詩爲梁苴林儀曹作首云藤

30534

花有屋在帝鄉。居者芝麓朱周黃。吾鄉亦傳米友後。以菴名集詩琅琅。(侯官許不棄。有紫藤花菴詩鈔)風

流猶爲樹愛惜。草木自與人輝光。百年勝韻已銷歇。接

跡乃見江田梁。(儀曹族系在長樂江田)又云晉安風

雅今誰張。堂堂吟社招壺觴。坐中健者雁門薩。(檀河

明府)游(彤卣侍御)陳(秋坪同知)尊宿驂兩襄。又

云看君尙登三唐集。東南嶠外羅文章。(君頃緝閩中

唐集。爲東南嶠外詩文鈔)可見兩先生平日相與之

善。聞後以通志及黃樓事。頗有違言。左海有鼇峯載筆

圖。題詩者甚衆。張亨甫一作於黨牛怨李之處。最奮詆

訶。亦吾鄉一小公案也。

昔人有刻一印章。蓋於所藏書上。其文曰賣與借人皆

不孝。噫何所見之不達。而所言之不智也。左海丁丑臘

月。嬰疾垂危。小除枕上口占十首之二云。垂白高堂慮

採薪。覓梨通子幼難嗔。龍鍾檢點平生事。未是人間可

死人。不讀楞嚴禮玉晨。縹緗充棟可安身。買來萬本皆

清俸。不許兒孫更借人。此等詩似可不存。

左海於朋輩中最善。謝甸男甚推薩檀河。左海學人之

詩。檀河才氣可以弟。畜左海也。其贈檀河一首云。大雅

扶輪久絕蹤。干將神物有時逢。又寄朱小岑布衣云。閩

川名士煩君訪。屈指詞壇復幾人。江左才華存孝綽。

劉次北永標。有鹽白齋稿)石渠高議見長賓。(林樾

亭喬蔭。林暢原茂春)雁門遺研耕畬富。(薩檀河玉

衡雁門學士之後。家藏遺研。作祖研行)少谷餘波濯

淖新。(鄭涵山振圖。有觀瀾堂稿)誰信一時閒。月旦

中原風雅望。扶輪亦鄉邦。文獻一二也。題謝甸男詩後

云。十載同攀杞梓枝。深叢傲兀見孤巖。身遊冀雍荆梁

慣。才壓封胡。遏末奇。六籍笙簧供鼓吹。九霄河漢沃肝

脾。石渠高議經師盛。惟遲匡來與說詩。斷句如戲贈甸

男云。叔寶愁多似江水。玄暉夢遠是青山。南歸述懷呈

謝甸男云。日邊名士多於鯽。江上歸心不爲鱸。越中諸

生數百人。悉題余西湖講舍校經圖爲別賦。謝云。如此

江山天下少。古來吳越霸圖多。先生爲阮儀徵高弟子。文藻博麗有六朝。三唐風格與同年。張惠言吳鼐鮑桂星。王引之齊名。儀徵巡撫浙江。延主講杭州敷文書院。兼課詁經精舍生徒。典廣東河南試。二三場遺卷一二萬。盡閱之。及見錢竹汀段懋堂王懷祖程易疇諸先生。故學益精博。丁母憂後。終於家居。主鼇峯書院講席。里黨義舉。若省會大成殿明倫堂貢院號舍。東西湖水利。莫不首其議。與諸同志成之。以漳浦黃石齋先生孤忠絕學。呈請從祀孔子廟。卒如所請。所著有五經異義疏證。尚書大傳定本。洪範五行傳。左海經辨。歐陽夏侯經

說考。魯齊韓詩說考。禮記鄭讀考。兩漢拾遺。左海文集。左海駢體文。絳跗草堂詩集。東越儒林文苑後傳。遂初樓雜錄。儀徵選其五經異義疏證。左海經辨。及文集中說經者。入皇清經解。雅慕武夷山水。紫陽精舍。晚年自號隱屏山人。作隱屏山人傳。疾時不穀。食却醫藥。惟日啜武夷巖茗。噉柑柚少許。枕上作絕句云。夢想仙巒二隱屏。問天應著少微星。人間無此溪山好。便欲乘雲上幔亭。詞意愴怳。若有所會。（以上節摘阮元所撰陳編修傳）此詩今不在集中。

